



Ժողովուրդ

135
(2801)

28 սեպտեմբերի հինգշաբթի 2023
տպագրության ԺԲ տարի

✉ ք. Երևան, Արմավյան 22ա/3 (0010)

☎ + 374 10 546423

@ info.armlur@gmail.com, info.zhoghovurd@gmail.com

100 դրամ

ԱԺ-ՈՒՄ ԲՆԵԱՐԿՄԱՆ ԵՆ ԲԵՐՈՒՄ ՀՌՈՍԻ ՄՏԱՏՈՒՑԸ



Երկար չարչրկված Հռոմի կանոնադրության վավերացման նախագիծը՝ Հռոմի ստատուտը, այսօր վերջապես կքննարկվի ԱԺ պետական-իրավական հարցերի մշտական հանձնաժողովում: Համաձայնագրի վավերացումը նախատեսում է պարզ ընթացակարգ, ինչպես սովորական նախագծերի, համաձայնագրերի համար է: Նախ՝ գլխադասային հանձնաժողովում կքննարկվի, այս դեպքում՝ Պետաիրավական, այնուհետև՝ դրական եզրակացություն ստանալուց հետո, հանձնաժողովի կողմից սահմանված ժամկետում այն արդեն կմտնի ԱԺ լիազումար նիստերի օրակարգ: ԱԺ-ում Հռոմի կանոնադրության վավերացման նախագիծը պետք է ընդունվի պատգամավորների ընդհանուր թվի ձայների մեծամասնությամբ: «Ժողովուրդ» օրաթերթը տեղեկացավ, որ իշխանականները, չնայած բազմաթիվ քննադատություններին, մտադիր են գալ ու միաձայն կողմ քվեարկել նախագծին: Հայաստանը Միջազգային քրեական դատարանի Հռոմի կանոնադրությունը ստորագրել էր դեռևս 1999թ.-ի հոկտեմբերի 1-ին, սակայն չէր վավերացրել այն: Գործընթացն ընդհատվել էր 2004թ.-ի օգոստոսի 13-ին, երբ փաստաթուղթը ճանաչվել էր ՀՀ Սահմանադրությանը հակասող, սակայն Նիկոլ Փաշինյանի կառավարությունը որոշեց վերսկսել միջազգային պայմանագրի վավերացման գործընթացն ու այդ նպատակով կրկին դիմեց ԱՊ: ՀՀ սահմանադրական դատարանը մարտի 24-ին որոշեց, որ Հայաստանի միացումը միջազգային քրեական դատարանի Հռոմի կանոնադրությանը համապատասխանում է գործող Սահմանադրությանը: Փաստաթղթին միանալու դեպքում, ելքադրվում է, որ Հայաստան այդ դեպքում Վադիմիր Պուտինը պետք է ձերբակալվի: Հազարավոր միջազգային քրեական դատարանը այս տարի՝ մարտ ամսին, Ռուսաստանի նախագահ Պուտինի ձերբակալության միջազգային օրդեր էր տվել, ուստի ելքադրվում է, որ Հռոմի կանոնադրությունը վավերացրած է դատարանի իրավազորությունը ճանաչած պետությունները Վադիմիր Պուտինին ձերբակալելու պարտավորություն ունեն: Ստացվում է՝ Հայաստանն էլ, միանալով այս փաստաթղթին, պարտավորվում է կատարել միջազգային դատարանի այս որոշումը: Ինչպես Պուտինը մեր երկիր մտնի, կձերբակալվեն: Հայաստանի այս քայլը Ռուսաստանը պաշտոնապես որակել էր ոչ բարեկամական իրենց նկատմամբ: Չնայած դժգոհություններին՝ իշխանականներն էլ պնդում են, թե Հռոմի ստատուտը վավերացնում են, որպեսզի կարողանան միջազգային բարձր ատյաններում Ադրբեյջանի նկատմամբ պատժամիջոցների հասնել:

Հոկտեմբերի 5-ին Գրանադայում նախատեսված է ՀՀ վարչապետ Նիկոլ Փաշինյանի եւ Ադրբեյջանի նախագահ Իլհամ Ալիևի հանդիպումը: Այդ մասին պարզ դարձավ սեպտեմբերի 24-ին, երբ հայտարարվեց ՀՀ անվտանգության խորհրդի քարտուղար Արմեն Գրիգորյանի՝ Բյուրուսե մեկնելու մասին: Պաշտոնական հարցրդության համաձայն՝ սեպտեմբերի 26-ին Նա հանդիպել է Ադրբեյջանի նախագահի օգնական Հ. Հաջիբեյի հետ՝ նախապատրաստելու այդ հանդիպումը: Հանդիպումը մասնակիցներին հնարավորություն տվեց նաեւ կարծիքներ փոխանակել Եվրոպական քաղաքական համայնքի երրորդ գագաթնաժողովի շրջանակում դեկլարների հնարավոր հանդիպման վերաբերյալ, որը նախատեսված է 2023 թվականի հոկտեմբերի 5-ին Գրանադայում: Եվ, ահա, այդ հանդիպման ժամանակ նշվել է, որ Հայաստանը եւ Ադրբեյջանը շահագրգռված են օգտագործելու Գրանադայի հնարավոր հանդիպումը՝ շարունակելու հարաբերությունների կարգավորման ուղղված ջանքերը: Սպասվում է, որ հոկտեմբերի 5-ին տեղի ունենալիք հանդիպմանը քննարկվելու են սահմանների սահմանազատմանը, անվտանգությանը, հարցրդակցություններին, հումանիտար հարցերին եւ խաղաղության պայմանագրի վերաբերող հարցեր: Ավելին՝ նշվում է, թե անհրաժեշտ են հստակ գործողություններ եւ վճռական փոխզիջումային լուծումներ՝ կարգավորման գործընթացի բոլոր ուղղություններով: Այսինքն՝ հոկտեմբերի 5-ին դեկլարների սպասվող հանդիպմանը կարող են լուրջ որոշումներ ընդունվել:



ՀՀ նախկին ոստիկանապետ Հայկ Հարությունյանի ինքնասպանության գործը թեեւ վերաբացված է, սակայն դեպքից 4 տարի անց՝ մինչ օրս, հայտնի չէ, թե ով կամ ովքեր նախկին ոստիկանապետին հասցրին ինքնասպանության: «Ժողովուրդ» օրաթերթը դիմեց ՀՀ քննչական կոմիտե, որտեղից ի պատասխան հայտնեցին, որ նախաքննությունը շարունակվում է: Հիշեցնենք, որ 2019 թվականի սեպտեմբերի 24-ին Բջնիի առանձնատանը հայտնաբերվել էր 2003-2008 թվականներին Հայաստանի ոստիկանության պետի պաշտոնը զբաղեցրած Հայկ Հարությունյանի դին՝ գլխի շրջանում հրազենային վնասվածքով: Գրել էինք նաեւ, որ ՀՀ նախկին ոստիկանապետ, «Մարտի 1»-ի գործով մեղադրյալ Հայկ Հարությունյանի ինքնասպանության գործով հարցաքննվել է նաեւ ՀՀ նախկին փոխոստիկանապետ, գեներալ-լեյտենանտ Արարատ Մահտեսյանը: 2021 թվականին գործը կասեցվեց, սակայն 2022 թվականին ընդունված ՀՀ քրեական դատավարության նոր օրենսգրքը հստակ սահմանեց, որ կամ քրեական վարույթը կարճվում է, կամ որեւէ մեկի նկատմամբ քրեական հետապնդում է հարուցվում եւ մեղադրական եզրակացությամբ դատարան է ուղարկվում: Այսինքն՝ ՀՀ քրեական դատավարության օրենսգրքը այլեւ չբացահայտված քրեական վարույթների կասեցման իրավական ընթացակարգ չի նախատեսում: Եթե նախկինում քննիչները քրեական գործերը կասեցնում էին ու տարիներով զգում իրենց «սեյֆերը», ապա հիմա պետք է քննությունը շարունակեն: Ստացվում է՝ նախկին ոստիկանապետի մահվան գործը բացված է, բայց ոչինչ բացահայտված չէ:



«Ժողովուրդ» օրաթերթի տեղեկությունների համաձայն՝ սեպտեմբերի 26-ին ԱԾ մեկուսարանից ազատ է արձակվել ՀՀ երրորդ նախագահի անվտանգության նախկին պետ Վաչագան Ղազարյանը: Մեզ հայտնի դարձավ, որ Հակակոռուպցիոն կոմիտեն միջնորդություն չի ներկայացրել դատարան նրա կալանքը երկարացնելու վերաբերյալ, սեպտեմբերի 26-ին նրա կալանքի ժամկետը լրացել է, ու նա ազատ է արձակվել: Հիշեցնենք, որ նրան կալանավորել էին ՊՆ հողատարածքների ապօրինի վաճառքի գործով: Ըստ ելույթի, պարզ է, թե որն է Վաչագան Ղազարյանի ազատության գինը: Այս տարվա օգոստոսի 31-ին դատախազությունը հայտնեց, որ «Եռաբլուր» պանթեոնի 4 միավոր հողատարածքները վերադարձրեց Հայաստանի Հանրապետությանը: «Գլխավոր դատախազության մասնակի հաշտության համաձայնությունը հաստատվեց դատարանի կողմից: 2023 թվականի օգոստոսի 22-ին Վաչագան Ղազարյանի եւ նրան փոխկապակցված անձանց կողմից գույքի բռնագանձման գործերով վարչությունում սկսվել էր ՀՀ երրորդ նախագահի անվտանգության նախկին պետ Վաչագան Ղազարյանի եւ նրան փոխկապակցված անձանց պատկանող գույքի վերաբերյալ ուսումնասիրությունը: Կատարված ուսումնասիրության արդյունքում Գլխավոր դատախազությունը 2022 թվականի մայիսի 31-ին Առաջին ատյանի ընդհանուր իրավասության դատարան էր ներկայացրել ապօրինի ծագում ունեցող գույքի բռնագանձման հայցադիմում՝ պահանջելով Վաչագան Ղազարյանից եւ նրան փոխկապակցված անձանցից հողատարածքի Հայաստանի Հանրապետության բռնագանձել օրինական եկամուտներով չհիմնավորվող շուրջ 1 մլրդ 647 մլն դրամ եւ 7 մլրդ դրամ շուկայական արժեքով գույք: 2023 թվականի օգոստոսի 22-ին կնքվել է հաշտության համաձայնություն, որը նույն օրը ներկայացվել է Հակակոռուպցիոն դատարան՝ օրենքով սահմանված կարգով հաստատելու նպատակով»:



ԶՐՈՒՅՑ

ԱՆՆԱ ԳՐԻԳՈՐՅԱՆԸ՝ ԻՐԱՎԻՃԱՆԻ ՄԱՍԻՆ

«Ժողովուրդ» օրաթերթի լրագրողները Գորիսում էին: Այնտեղ են գտնվում Արցախից տեղահանված արցախցիները:

Մեր թղթակիցը Գորիսում գրուցել է ԱԺ «Հայաստան» խմբակցության պատգամավոր Աննա Գրիգորյանի հետ:

-Տիկին Գրիգորյան, Գորիսում շփվում եք տեղահանված քաղաքացիների հետ, ինչ կատեք ստեղծված իրավիճակի մասին:

-Սա, առհասարակ, պատմական ողբերգություն է, երբ մարդիկ, մեր հայրենակիցները էթնիկ զտման եւ ցեղասպանության են ենթարկվել: Այնինչ, մենք տարիներ շարունակ բազմիցս ենք հնչեցրել եւ հիմա մեր աչքով ենք տեսնում. սա ուղղակի ուղեղի մեջ չտեղավորվող իրողություն է: Մենք եղանք Կոնսիժորում, տեսանք առաջին տեղահանվածներին, մարդիկ անորոշության մեջ են, մարդիկ իրենց տունն են թողել, գերեզմանոցները: Այսինքն՝ ինչ ունեին-չունեին, թողել են, մի տոպրակով վեր են կացել եկել են, հատկապես՝ Մարտունիի եւ Մարտակերտի շրջանի բնակիչները: Երեխաները մի սովորական բլուզով ճանապարհ են ընկել, մազապուրծ են եղել: Մարդիկ անորոշության մեջ են. մի մասին առաջարկում են Գորիսում մնալ, Կապան, Սիսիան, Սյունիքի մարզում, բայց նրանք, շատ լավ հասկանալով, թե ինչ քաղաքականություն է վարվել Արցախի նկատմամբ, հասկանում են, որ կարող է հաջորդ թիրախը Սյունիքը լինել, նրանք փնտրում են այլ մարզեր կամ Երեւան են նախընտրում: Նրանց այդ պատկերացումներն էլ հասկանալի են, նրանց այս իրավիճակն էլ հասկանալի է, անորոշության մեջ են, երեխաների բուժօգնությունը, կրթությունը... Սա իսկապես հումանիտար աղետ է, որին մենք փաստացի առնչվում ենք այս պահին:

-Տիկին Գրիգորյան, ռազմական փորձագետներ կան, որ տեսակետ են հնչեցնում, թե վտանգը կախված է նաեւ Սյունիքում: Դուք սյունեցի եք, այս մասով ինչ



կարող եք ասել՝ հաշվի առնելով նաեւ, որ օրեր առաջ տեղի ունեցավ Ադրբեջանի եւ Թուրքիայի նախագահների հանդիպումը, եւ, ըստ պաշտոնական հայտարարության, քննարկել են, այսպես կոչված, Ջանգեզուրի միջանցքի հարցը:

-Նոյեմբերի 9-ից հետո նման խոսույթ դիվանագիտական լեզվում սկսեցին շրջանառել տարբեր հարթակներում, եւ էր դողանք շատ հստակ խոսում էր, այսպես կոչված, Ջանգեզուրի միջանցքի մասին, եւ Հայաստանի Հանրապետության եւ հայ ժողովրդի թշնամի հանդիսացող կառավարությունն ասում էր՝ նման բան գոյություն չունի, բոլոր ռիսկերը չեզոքացված են եւ այլև, բայց այսօր էլ էր դողանք հերթական անգամ հայտարարել է, որ հայ-թուրքական հարաբերությունների կարգավորումը շատ մոտ է տեսանելի է, եւ

դրա համար պետք է խիզախություն ունենա Փաշինյանը եւ անի այն, ինչ խոսք է տվել: Ենթադրաբար խոսքը Ջանգեզուրի միջանցքի մասին է: Ամեն դեպքում, կան նման կոնսենսուս թուրքական աշխարհում, որ այդ միջանցքը բացվի, եւ դա այն է, ինչ Նիկոլ Փաշինյանը ժամանակին խոսք է տվել: Այստեղ վտանգը օրհասական է ճիշտ այնպես, ինչպես Արցախի դեպքում է, այնպես, ինչպես Արցախի մասին էինք խոսում, հիմա խոսում ենք Սյունիքի վերահաս վտանգի մասին:

Այստեղ ԶՊ-ական մի քանի պատգամավոր են տեսել, աչքերիս չեն հավատում, որ դրանք դեռենա Երեւանում են այստեղ հայտնվելու, մարդկանց առաջ հայտնվելու. սա նրանց վատ քաղաքականության հետեւանքն է:

Ջրուցեց ՔՐԻՍՏԻՆԱ ՍՈՒԵՐՈՅԱՆԸ

ԻՐԱՎԻՃԱԿ Թ. ԹՈՎՄԱՍՅԱՆՆ ԱՆԳՐԱԳԱՐՉԱՎ



ԱԺ մարդու իրավունքների պաշտպանության եւ հանրային հարցերի մշտական հանձնաժողովի՝ ապօրինաբար լիազորությունները դադարեցված նախագահ, անկուսակցական պատգամավոր Թագուհի

Թովմասյանը գրում է. «Ռուբեն Վարդանյանին անձամբ չեն ճանաչում, երբեւէ չեն հանդիպել, բայց այս լուսանկարից ազդվեցի»:

Ռուբեն Վարդանյանին իր բարեկեցիկ կյանքը թողել, Արցախում 9 ամիս շրջափակման մեջ ապրում էր: Անշուշտ, ուներ Արցախից անվտանգ դուրս գալու հնարավորություն, բայց մինչ այս չի արել»:

Հիշեցնենք, որ Ռուբեն Վարդանյանը երեկ ձերբակալվել է Բերձորի միջանցքն անցնելիս:

Նշենք նաեւ, որ ՀՀ կառավարությունն Արցախի նախկին պետնախարար Ռուբեն Վարդանյանի պաշտպանության համար դիմել է ՄԻԵԴ: Այս մասին հայտնում է Միջազգային իրավական հարցերով ՀՀ ներկայացուցիչ Եղիշե Կիրակոսյանի մամուլի խոսնակ Հասմիկ Սամվելյանը:

Հայկական կողմը Բաքվից պահանջել է տեղեկություններ տրամադրել, թե ուր են տարել նախկին նախարարին:

ԽԱՅԹԵԼ Է ՊՈՒՏԻՆԻՆ

ԱՄՆ նախկին պետքարտուղար Հիլարի Քլինթոնը խայթել է Ռուսաստանի նախագահ Վլադիմիր Պուտինին ՆԱՏՕ ընդլայնման առիթով՝ ասելով. «Ափսոս, Վլադիմիր, ինքներդ եք մեղավոր»:

Պետդեպարտամենտ վերադառնալով իր պաշտոնական դիմանկարի ներկա-

յացման համար՝ Քլինթոնն օգտվել է առիթից, որպեսզի ցույց տա նորկանքը նախկին նախագահ, հանրապետական Ռոնալդ Թրամփի հանդեպ, որն իրեն հաղթեց 2016թ. ԱՄՆ նախագահական ընտրությունների ժամանակ:

Քլինթոնը ենթադրել է, որ Ուկրաինային ԱՄՆ աջակցության ունակության վերաբերյալ հարցերը ծագել են Թրամփի ժառանգության պատճառով, քանի որ օտարվել են դաշնակիցները: «Մարդիկ կարող էին կասկածել սրանում, որովհետեւ մենք այնքան շատ կամուրջներ ենք այրել մեր դաշնակիցների եւ մեր բարեկամների հետ», - ասել է նա:

ԱՄՆ դեմոկրատ նախագահ Ջո Բայդենը, նրա խոսքով, Օբամայի վարչակազմի բաթմաթիվ առաջնահերթությունների կողմնակիցն է:

«Ուկրաինայում դեմոկրատիայի պաշտպանությունը ՆԱՏՕ-ի ընդլայնում է նշանակում: Ի դեպ, ափսոս, Վլադիմիր, ինքներդ եք դրանում մեղավոր», - ասել է նա՝ ծիծաղելով ծափահարություններ առաջացնելով: «Մենք միշտ ասել ենք՝ մարդկանց չեն ստիպում մտնել ՆԱՏՕ, մարդիկ իրենք են ընտրում եւ ցանկանում մտնել ՆԱՏՕ», - ավելացրել է նա:

Քլինթոնը նկարագրել է, թե ինչն է առաջնահերթ համարել Բայդենի եւ Օբամայի համար. «ՆԱՏՕ ընդլայնում, դիմակայություն ռուսական ագրեսիային եւ Հին Աստանի կողմից առաջացող խնդիրների լուծում»:



ՔԱՂՅՐԱՐԱՄ ՋՈՒՐԸ՝ ԸՆԱՅԼՈՒԹՅՈՒՆ

«Ժողովուրդ» օրաթերթը ուսումնասիրել է Հայաստանի կառավարության ենթակայության տակ գտնվող 12 նախարարությունների գնումները եւ կնքած պայմանագրերը՝ հասկանալու համար, թե որքան է կազմել խմելու ջրի ծախսը 2023 թվականի հունվար-սեպտեմբեր ամիսների ընթացքում: Սկզբում ասենք, որ այժմ աշխարհում ռիսկային է ջրի ոչ ճիշտ օգտագործումը, քանի որ աշխարհի մասշտաբով առկա է քաղցրահամ ջրի զգալի պակաս: Նաեւ, ջրօգտագործման մասնագետների խոսքով, որոնք ունեն երկար տարիների փորձ, քաղցրահամ ջրերը համարվում է ամենաթանկարժեք ռեսուրսներից մեկը: Հայաստանի դեպքում այն ավելի կարեւոր է դառնում, քանի որ տարածաշրջանում ամենամեծ քաղցրահամ ջրային պաշարը մերն է՝ Մեասան լիճը: Այսպիսով, Մեասանի խնդիրները առերեսույթ լուծող Շրջակա միջավայրի նախարարությունը, որը վերջերս համարվում է ամենաանգործ նախարարությունը, խմելու ջրի համար որեւէ գումար չի ծախսել. երեւի նախարարությունից ակնկալվող գործառնությունները նախարարությունում կոմպենսացնում են միայն ջուր չօգտագործելով: Արդարադատության նախարարությունը խմելու ջրի մատակարարման ծառայությունների համար նշված ժամանակահատվածում ծախսել է 1 մլն 560 հազար դրամ: Աշխատանքի եւ սոցիալական հարցերի նախարարությունը եւս խմելու ջրի մատակարարման ծառայությունների համար ոչ մի գումար չի կատարել, սակայն միլիոնավոր դրամների դրամաշնորհային ծրագրեր է ֆինանսավորել. հաջորդիվ նաեւ կնեղակայանքներ այդ ծախսերի նպատակայնությունը: Առողջապահության նախարարությունը եւս դասվում է խմելու ջուր չգնողների դասին: Նրանք, թերեւս, ըստ իրենց արած բազմաթիվ հայտարարությունների, զբաղվում են ավելի կարեւոր գործով, սակայն կարեւորությունն ինչպե՞ս պետք է հաստատվի, եթե Հայաստանում ամենախնդրային պետպատվերներ տրամադրելու ծրագրերը պարբերաբար ծախողվում են, եւ հատկացումները, վերաբաշխումները չեն բավականացնում: Հենց այս պատճառով էլ շատ քաղաքացիների հիվանդությունն ախտորոշումը հաճախ հերթերի պատճառով նախատեսվում է հաջորդ տարի, ինչը ուղորտի անհավասարաչափ եւ ոչ գրագետ բաշխման արդյունք է: Նույնն է նաեւ Արտաքին գործերի նախարարությունում. նրանք, ջուր օգտագործելու փոխարեն, իրենց հատկացված գումարները ներդնում են ներկայացուցչական ծախսերի մեջ, եւ գրեթե ոչինչ՝ նախարարության կարիքների համար:

Բարձր տեխնոլոգիաների արդյունաբերության նախարարությունը, կոնկալներից, չեռից, շոկոլադե չեռից բացի, զարմանալիորեն նաեւ խմելու ջուր է օգտագործում: Այս տարվա ընթացքում նրանք 1151 հազար դրամ խմելու ջրի մատակարարման ծախսեր են կատարել: Էկոնոմիկայի նախարարությունը, հիշեցնենք, տնտեսական զարգացման եւ ներդրումների նախարարության եւ Հայաստանի Հանրապետության գյուղատնտեսության նախարարության միավորման արդյունքում է ստեղծվել, եւ հենց այս նույն «ճշգրտությամբ» էլ նախարարությունը կազմակերպում է այս ոլորտների աշխատանքները, սակայն, չգիտես՝ ինչու, այդ ոլորտներում զգալի առաջընթաց վերջերս չի եղել: ԿԳՄՍ նախարարությունը, որը վերջերս աղմուկահարույց ձախողումների մեջ է եւ կորցրել է կրթության ոլորտը կառավարելու դերը, կատարել է 7 հազար դրամ արժողությամբ ջրի սպառման ծախս: Հուսանք՝ գոնե ջրօգտագործումը մտքի թարմություն կհաղորդի նախարարությանը: Ներքին գործերի նախարարությունը ջրի ոչ մի սպառում չի ներկայացրել, սակայն «յուղալի» գնումներ է կատարել, որոնք նախարարության հետ պարզաբանելուց հետո կիրառարակենք: Տարածքային կառավարման եւ ենթակառուցվածքների նախարարությունը եւս նման գնումներ չի իրականացրել: Ֆինանսների նախարարությունը թերեւս հայտնվել է 2-րդ տեղում խմելու ջրի օգտագործմամբ. նրանց գնումները կազմել են 489 հազար 600 դրամ:

ԱՇԽԱՐՀ

ՉԻ ԲԱՑԱՌԵԼ ՊԱՏԺԱՄԻՋՈՑՆԵՐԸ

ՊԵՏԵՆՈՎԻ ԱՐՉԱԳԱՆՔԸ



ՌԴ Նախագահի մամուլի քարտուղար Ռմիտորի Պետկովը տեղեկություն չունի, որ Արցախի Նախկին պետնախարար Ռուբեն Վարդանյանը ձերբակալվել է Ադրբեջանի սահմանին Գորիս մեկնելու փորձի ժամանակ:

«Ես նման տեղեկություն չունեմ, ուստի ոչինչ չեմ կարող ասել այս հարցի վերաբերյալ», - լրագրողների հետ գրույցում պատասխանելով համապատասխան հարցին՝ ասել է Կրեմլի ներկայացուցիչը:

Նա, սակայն, դժվարացավ ասել, թե արդյոք Վարդանյանն այժմ Ռուսաստանի քաղաքացիություն ունի: «Եթե նա դեռ Ռուսաստանի քաղաքացի է, ապա Ռուսաստանի Դաշնությունը կաջատպանի նրա իրավունքները», - ասել է Պետկովը:

ՄԵԾԱՑՆՈՒՄ Է ԱՋԱԿՑՈՒԹՅՈՒՆԸ

Գերմանիայի Դաշնային Հանրապետության արտաքին գործերի նախարար Անալենա Բերբոքը հայտարարություն է տարածել Լեռնային Ղարաբաղի շուրջ ստեղծված իրավիճակի վերաբերյալ: «Ժողովուրդ» օրաթերթի տեղեկացմամբ՝ X-ի իր միկրոբլոգում Բերբոքը գրել է, որ հազարավոր երեխաներ, կանայք եւ տղամարդիկ Լեռնային Ղարաբաղում այնքան վախեցած են իրենց ֆիզիկական կյանքի համար, որ այլ ելք չեն տեսնում, քան ճանապարհ ընկնել դեպի Հայաստան հաճախ միայն ամենաանհրաժեշտ իրերով եւ ամբողջովին լեփ-լեցուն մեքենաներով:

«Յուրաքանչյուր ժամ նրանց թիվն ավելանում է: Ոչ ոք իրականում չգիտի, թե ինչպիսին է Լեռնային Ղարաբաղում մարդկանց վիճակը: Այժմ անհրաժեշտ է թափանցիկություն եւ տեղում միջազգային հանրության աջքերն ու ականջները: Մենք մեր գործընկերների հետ աշխատելու ենք հնարավորինս արագ դիտորդներ ուղարկելու ուղղությամբ:

Վստահության ապացույց առ այն, որ Ադրբեջանը լրջորեն է վերաբերվում Լեռնային Ղարաբաղի ժողովրդի անվտանգության եւ բարեկեցության իր խոստումներին, կլինե՞ր այն, եթե Ադրբեջանը թույլ տար միջազգային դիտորդների ներկայությունը:

Գրեթե ամեն ինչ դեռ պակասում է: Լաչինի միջանցքով օգնությունը չպետք է մարդկանց հասնի մաս-մաս, այլ հուսալիորեն եւ միշտ: Ես որոշել եմ ԿԽՄԿ միջոցով մեր մարդասիրական օգնությունը 2-ից դարձնել 5 մլն եվրո», - գրել է Անալենա Բերբոքը:

Կանադայի արտաքին գործերի նախարար Մելանի Ջոլին ասել է, որ բոլոր սարքերակները սեղանին են՝ արձագանքելով կանադացի օրենսդիրների Ադրբեջանի դեմ դատամիջոցներ կիրառելու կոչերին:

Ելույթ ունենալով Համայնքների պալատում՝ նա նշել է, որ երբ խոսքը վերաբերում է պատժամիջոցներին, իրենք միշտ ցանկանում են գործել այլ երկրների հետ միասին, քանի որ կարելի է ճշում գործադրել: «Պատժամիջոցների կիրառումը կարող է շատ արդյունավետ լինել... Մենք շարունակում ենք Ադրբեջանին կոչ անել դադարեցնել ռազմական գործողությունները: Պետք է ապահովվի մարդասիրական պաշարների եւ օգնության ազատ տեղաշարժը, իսկ խաղաղ բնակիչները պետք է պաշտպանված լինեն», - ասել է նա:

Ջոլին հավելել է, որ 2020 թվականի հրադադարի համաձայնագրում ներգրավված բոլոր կողմերը պետք է հարգեն իրենց պարտավորությունները՝ նշելով, որ նա այդ հարցերը բարձրացրել է միջազգային ատյաններում, այդ թվում՝ ՄԱԿ-ի գլխավոր ասամբլեայում, անցյալ շաբաթ:

Նա ասել է, որ Կանադան վճռականորեն աջակցում է համապարփակ խաղաղության պայմանագրի կնքմանը՝ հավելելով, որ Օստովան պարտավորվել է երկու կողմագետ ուղարկել Հայաստանում եվրոպական միության նորաստեղծ առաքելությանը մասնակցելու:

Կանադացի օրենսդիրները Թրյուդոյի կառավարությանը կոչ են անում պատժամիջոցներ սահմանել Ադրբեջանի դեմ՝ ի պատասխան անցյալ շաբաթ Լեռնային Ղարաբաղ վերջինիս ռազմական ներխուժման:

«Մենք գիտակցում ենք, որ Կանադան մեծ դեր չի խաղում այս [աշխարհագրա-



կան] տարածաշրջանում: Բայց սա այն է, ինչ մենք կարող ենք անել, սա այն է, ինչ կարող է անել Կանադայի կառավարությունը՝ արտահայտելու մեր մտահոգությունը, հայտնելու, որ մենք տեսնում ենք, որ թիրախ են դառնում քաղաքացիական անձինք», - CBC News-ին ասել է կանադացի պատգամավոր Հիլդեր ՄաքՖերսոնը:

Անցյալ շաբաթ նա եւ իր գործընկեր Ալեքսանդր Բուլերիսը նամակ են գրել արտաքին գործերի նախարար Մելանի Ջոլին՝ կոչ անելով պատժամիջոցներ կիրառել:

«Ինչպես գիտեք, այս հակամարտությունը ռազմական լուծում չունի: Միայն դիվանագիտական ճշումը եւ համապարփակ երկխոսությունը կհանգեցնեն տեւական լուծման», - գրել են օրենսդիրները՝ հավելելով, որ կառավարությունը

պետք է դիտարկի «նպատակային պատժամիջոցները Ադրբեջանի ֆիզիկական անձանց եւ կազմակերպությունների դեմ, որոնք պատասխանատու են տարածաշրջանում միջազգային իրավունքի խախտման եւ մարդու իրավունքների ոտնահարման համար»:

«Կանադայի պատժամիջոցների ռեժիմն ունի իր թերությունները, - ասել է պատգամավոր Ստեֆան Բերգերոնը Համայնքների պալատում բանավեճի ժամանակ, - բայց դա օտար կառավարությունների վրա ճշում գործադրելու արդյունավետ միջոց է: Ինչի ենք սպասում, որ պատժամիջոցներ սահմանենք Ադրբեջանի դեմ ոչ միայն Հայաստանի, այլեւ Լեռնային Ղարաբաղի խաղաղ բնակչության նկատմամբ նրա անընդունելի պահվածքի համար»:

ՕՐԿԱ ԽՃԱՆԿԱՐ

ԱՐՑԱՆԻՑ՝ ԵՐԵՎԱՆ

ՀՀ առողջապահության նախարարությունից հայտնում են, որ սեպտեմբերի 19-ին Ադրբեջանի սանձազերծած ագրեսիայի եւ Ստեփանակերտի հարակից տարածքում պայթյունի հետեւանքով տուժած անձինք շարունակում են Լեռնային Ղարաբաղից տեղափոխվել Հայաստան:

Մինչ երեկ ցամաքային եւ օդային ճանապարհով հանրապետության բժշկական կազմակերպություններ է տեղափոխվել 237 մարդ, որից՝ 142-ը՝ ուղղաթիռով, 95-ը՝ շտապօգնության մեքենաներով:

Ներկայումս տուժածները գտնվում են բժիշկների հսկողության տակ եւ ստանում անհրաժեշտ բժշկական օգնություն:

Տեղափոխման գործընթացը դեռեւս շարունակվում է:

ԱԳՐԲԵՋԱՆԻ ԿՈՐՈՒՄՏՆԵՐԸ

Ադրբեջանի պաշտպանության նախարարությունը հրապարակել է Արցախում տեղի ունեցած իրադարձությունների ժամանակ կորցրած զինվորների ցուցակը:

«Ներկայացնում ենք 2023 թվականի սեպտեմբերի 19-ից-20-ը հակահարձակողական գործողությունների ժամանակ զոհված ադրբեջանցի զինվորականների լուսանկարները, նրանց անունները, ազգանունները, զինվորական կոչումը եւ ծննդյան տարեթիվը: Նշված ժամանակահատ-



վածում Ադրբեջանի հանրապետությունը կորցրել է 192 զինվորական եւ ունի 512 վիրավոր», - ասված է հաղորդագրության մեջ:

ԳԵՐՄԱՆԻԱՅԻ ԿՈՉԸ

Գերմանիայի արտաքին գործերի նախարար Անալենա Բարբոքը երեկ հայտարարել է միջազգային դիտորդական առաքելություն Արցախ հնարավորինս արագ ուղարկելու անհրաժեշտության մասին:

«Այժմ անհրաժեշտ է թափանցիկություն, եւ կարելի է, որ միջազգային հան-

րության աջքերն ու ականջները տեղում լինեն: Մեր գործընկերների հետ միասին մենք բոլոր ջանքերը կգործադրենք հնարավորինս շուտ դիտորդներ ուղարկելու համար», - ասվում է Բերբոքի հայտարարության մեջ, որը հրապարակվել է Գերմանիայի ԱԳՆ կայքում:

Նրա խոսքով՝ Արցախում դեռեւս առկա է առաջին անհրաժեշտության ապրանքների սուր պակաս:

«Ես որոշել եմ եւս մեկ անգամ զգալիորեն ավելացնել մեր մարդասիրական օգնությունը եւ հետագայում ավելացնել մեր ֆինանսավորումը Կարմիր խաչի միջազգային կոմիտեին 2-ից մինչեւ 5 միլիոն եվրո», - ավելացրել է Բարբոքը:

ՄԱՆՐԱՄԱՆԵՐ

ՄԵՂԱԴՐԱՆՔ՝ ՆԱԽԿԻՆ ԴԵԿԱՎԱՐԻՆ, ԸՆՏԱՆԻՔԻՆ

«Ժողովուրդ» օրաթերթի սեղեկու-
թյուններով ավարտվել է Մյունխի մար-
զի Գորխ համայնքի Ներքին Խնճորեսկ
բնակավայրի նախկին ղեկավարի կող-
մից դաժնահանգ լիազորություննե-
րը չարաճահեղու, վստահված գույքը
հափճակելու, հանցավոր ճանադար-
հով ձեռք բերված առանձնադեպ խո-
ւր չափերով գույքերի վաճառում կատարե-
լու դեղձերի առթիվ նախաձեռնված
բեռական վարույթի նախաձեռնություն-
նը:



ՀՀ քննչական կոմիտեի Սյունիքի մար-
զային քննչական վարչության Գորխի
քննչական բաժնում իրականացված քն-
նությանը հիմնավորվել է, որ Ներքին Խն-
ճորեսկ բնակավայրի ղեկավարը, 2005 թ.
ստանձնելով հիշյալ պաշտոնը, պաշտո-
նական դիրքն օգտագործելով, պաշտո-
նական կեղծիք կատարելով, իրենից ծա-
ռայողական կախվածության մեջ գտնվող
աշխատակիցների, համայնքի ղեկավարի
տեղակալի, վիճակահանության հանձնա-
ժողովի նախագահի եւ անդամների միջո-
ցով, իրականությանը չհամապատասխա-
նող գրառումներ ներառելով համապա-
տասխան արձանագրությունների մեջ,
հաստատելով համապատասխան փաս-
տաթղթերը, իրեն վստահված խոշոր չա-
փերով՝ ընդհանուր 3.063.250 ՀՀ դրամ
կադաստրային արժեք ունեցող, ընդհա-
նուր 4.824 հա հողամասերն օտարել է դա-
տերը: Վերջինս իր հերթին ձեռնարկ
առնվածառաջի պայմանագրով այդ գույքը
փոխանցել է եղբորը:
Բացի այդ, հանդիսանալով հիշյալ գյու-
ղական համայնքի «Ջոհված ազատա-
մարտիկների հրապարակի բարեկարգ-
ման օժանդակ աշխատանքներ» ծրագրի
պատվիրատու եւ նշված աշխատանքնե-
րի կազմակերպման ու իրականացման
ղեկավար՝ համայնքի վարչական տարած-
քում զոհված ազատամարտիկների՝ գո-
յություն չունեցող հրապարակի բարե-
կարգման աշխատանքները նշված
ծրագրով նախատեսված ծավալով ու ժա-
մանակահատվածում փաստացի չիրա-
կանացնելու, օժանդակ աշխատակիցնե-
րի կողմից դրանց կատարմանը փաստա-
ցի չնամակցելու պայմաններում Ներքին
խնճորեսկ բնակավայրի նախկին ղեկա-
վարն անձամբ ստորագրել է իր հանձնա-
րարությանը կազմված կատարվելիք աշ-
խատանքների՝ իրականությանը չհամա-
պատասխանող բովանդակությամբ կա-
տարողական ակտը, 25 աշխատակիցնե-
րի նույն ժամանակահատվածի հաճա-
խումները հավաստող ցուցակը: Այն շր-
ջանառության մեջ դնելով՝ համայնքի
նախկին ղեկավարը հափշտակել է ծրագ-

րի շրջանակում հրապարակի բարե-
կարգմանը հատկացված, տեղական գան-
ձապետական բաժնի փոխանցված
1.844.600 ՀՀ դրամից օժանդակ աշխա-
տակիցների վարձատրության համար նա-
խատեսված խոշոր չափերով՝ ընդհանուր
1.132.500 ՀՀ դրամ աշխատավարձի գու-
մարը:
Քննությանը պարզվել է նաեւ, որ նշ-
ված բնակավայրի նախկին ղեկավարը
փաստացի չկայացած աճուրդների միջո-
ցով իր ընտանիքին պատկանող ընկերու-
թյան անունից հանդես եկած մորաքրոջ
որդուն 4.272.000 ՀՀ դրամ եւ 2.740.800 ՀՀ
դրամ արժեքներով օտարել է ընդհանուր
13.957.800 ՀՀ դրամ կադաստրային ար-
ժեք ունեցող ընդհանուր 32.46 հա երկու
հողամասերը: Դրանք սեփականությամբ
իր եւ իր ընտանիքի անդամներին պատ-
կանող ընկերության հաշվեկշիռ ներառե-
լու, իրենց սեփականությունը դարձնելու
միջոցով նա յուրացրել է իրեն վստահված
համայնքային սեփականություն հանդի-
սացող առանձնապես խոշոր չափերով
հիշյալ հողամասերը:
Բացի այդ, կեղծ որոշման հիման վրա՝
փաստացի չկայացած մրցույթի արդյուն-
քում համայնքային սեփականություն
հանդիսացող ընդհանուր 15.8654 հա հո-
ղամասերը վարձակալությամբ տրա-
մադրվել են դրա իրավունքը չունեցող ան-
ձանց՝ հիշյալ համայնքի նախկին ղեկա-
վարի որդուն, աշխատակցին եւ մրցույթ-
ային հանձնաժողովի անդամին, ինչպես
նաեւ փաստացի չկայացած մրցույթի
մյուս մասնակիցներին՝ Էսկան վնաս
պատճառելով համայնքի եւ հասարակու-
թյան օրինական շահերին:

ԿԱՐԵՎՈՐ

ՀԱՆՐԱՅԻՆ
ՀԵՏԱՊՆԴՈՒՄ

«Ժողովուրդ» օրաթերթի փոխանց-
մամբ՝ Հայաստանի Հանրապետու-
թյան քաղաքացի Ա.Ե.-ն, այլ քաղա-
քացիների հետ խմբի կազմում, նախ-
նական համաձայնությամբ, խաբեու-
թյան եղանակով հափշտակել է օրի-
նականացրել է առանձնապես խոշոր
չափերով գույքեր. հայտնում են Գլ-
խավոր դատախազությունից:
Հակակոռուպցիոն կոմիտեում քնն-
վող քրեական վարույթով պարզվել է,
որ քաղաքացի Ա.Ե.-ն տեւական Ժա-
մանակ՝ 2008 թվականից մինչեւ 2011
թվականը ներառյալ, ճանաչել է տարբեր
հարցերով շփումներ է ունե-
ցել Երեւան քաղաքի Էրեբունի եւ Նու-
բարաշեն վարչական շրջանների
ընդհանուր իրավասության դատարա-
նի այդ ժամանակահատվածի դատա-
վոր Ա.Ս.-ի օգնական Գ.Ս.-ի հետ:
Մասնավորապես, 2012 թվականի
ընթացքում Ա.Ե.-ն եւ դատավորի օգ-
նական Գ.Ս.-ն խաբեության եղանա-
կով ձեռք են բերել Ավան-Առինջ թա-
ղամասի 1-ին միկրոշրջանում գտն-
վող 0,75 հա մակերեսով, 300 մլն
դրամ շուկայական արժեքով հողա-
մասը:
Նույն թվականին Ա.Ե.-ն 20 մլն
դրամ շուկայական արժեքով, 394 քմ
մակերեսով հողամասը եւ դրա վրա
գտնվող 543 քմ մակերեսով շինություն-
ը հափշտակելու նպատակով ձեռք է
բերել կեղծ փաստաթղթեր:
2013 թվականի հունվարին Ա.Ե.-ն
իր մտերիմ՝ փաստաբանական գոր-
ծունեություն իրականացնող Ն.Յ.-ի,
դատավորի օգնական Գ.Ս.-ի եւ քա-
ղաքացի Վ.Ս.-ի հետ նախնական հա-
մաձայնությամբ ձեռք է բերել 1 մլրդ
500 մլն դրամ շուկայական արժեքով,
Դավիթ Բեկ փողոցին հարող տարած-
քում գտնվող 2.61 հա մակերեսով հո-
ղամասը:
Նկարագրված երեք դեպքերում վե-
րոնշյալ կեղծ փաստաթղթերի հիման
վրա հողամասերն Անշարժ գույքի կա-
դաստրի կոմիտեում գրանցելու եւ
տնօրինելու հնարավորություն ստա-
նալու նպատակով փաստի հաստատ-
ման պահանջի մասին դիմում է ներ-
կայացվել Երեւան քաղաքի Էրեբունի
եւ Նուբարաշեն վարչական շրջաննե-
րի ընդհանուր իրավասության դատա-
րան. երեք դեպքում գործը մակագր-
վել է դատավոր Ա.Ս.-ին:
Ա.Ե.-ն, նկարագրված երեք գոր-
ծարքներից երկուսի դեպքում տարա-
տեսակ քաղաքացիաիրավական գոր-
ծարքներով հողամասերի իր մասնա-
բաժնի իրական պատկանելիությունը
եւ ծագումը թաքցնելու, խեղաթյուրե-
լու միջոցով օրինականացրել է հան-
ցավոր ճանապարհով ստացված՝
առանձնապես խոշոր չափերով՝ 76
մլն դրամ եւ 138 մլն դրամ արժեքնե-
րով հողամասերը:
Հակակոռուպցիոն դատարանի՝
2023 թվականի սեպտեմբերի 18-ի
որոշմամբ՝ Ա.Ե.-ի նկատմամբ որպես
խափանման միջոց է ընտրվել կալա-
նավորումը՝ երկու ամիս ժամկետով:

ՈՒՇԱԳՐԱԿ

ԶԵՐԲԱԿԱԼԵԼ ԵՆ,
ԳԵՐԵՎԱՐԵԼ

Արցախի նախկին պետախարար Ռու-
բեն Վարդանյանին երեկ ադրբեջանական
կողմը բերման է ենթարկել Լաչինի մի-
ջանցքի անցակետում. RBC-ին հայտնել է
ևրա կինը՝ Վերոնիկա Զոնաբեկը:
«Այսօր առավոտյան ամուսինս՝ Արցախի
Հանրապետության նախկին պետախա-
րար Ռուբեն Վարդանյանը, ձերբակալվել
եւ գերեվարվել է Ադրբեջանի իշխանու-
թյունների կողմից սահմանին, երբ փոր-
ձում էր հեռանալ Արցախից», - ասաց նա:

ԿՐԱԿՈՑՆԵՐ՝
ԿԱՄՐՋԻ ՏԱԿ

Սեպտեմբերի 26-ին ոստիկանություն
գանգած քաղաքացին հայտնել է, որ Հաղ-
թանակ կամրջի տակ կրակոցի ձայներ են
լսվում: Ոստիկանությունից «Ժողովուրդ»
օրաթերթին հայտնում են, որ մեկնել է ոս-
տիկանության Մարաշի բաժանմունքի
օպերատիվ խումբը:
ՆԳՆ ոստիկանության կենտրոնական
բաժնի քրեական հետախույզները եւ
պահպանության բաժնի արագ արձա-
գանքման խմբի ծառայողները Հաղթա-

նակ կամրջի տակ հայտնաբերել, խուլի-
զանություն կատարելու եւ սառը զենք
պահելու եւ կրելու հիմնավոր կասկածան-
քով ձերբակալել է Կենտրոնական բա-
ժնի են տեղափոխել 39-ամյա տղամար-
դու: Անձնական խուզարկությամբ նրա
մոտ հայտնաբերվել են օդանշիչ ատր-
ճանակ, պահեստատուի 7 մետաղյա գն-
դակով, եւ պոլիէթիլենային տոպրակ, որի
մեջ օդանշիչ ատրճանակի համար նա-
խատեսված մետաղյա գնդիկներ էին:
39-ամյա տղամարդը եւ կազմված փաս-
տաթղթերը ներկայացվել են քննչական
բաժնի:

● Ըստ ոստիկանության տվյալների՝ սեպտեմբերի 26-ից 27-ը Հայաստանի Հանրապետությունում
բացահայտվել է հանցագործության 63 դեպք, որոնցից 4-ը՝ նախկինում կատարած:

ՀԱՍԱՐԱԿՈՒԹՅՈՒՆ

ՄԱՐԶ

ԳԱՏԻ Է ՏՎԵԼ

«Յուրում» ՓԲԸ-ն «Տավուշ-ՏՎ» ՍՊԸ-ի դեմ գումարի բռնագանձման պահանջով հայցադիմում է ներկայացրել Տավուշի մարզի առաջին ատյանի դատարան, այն դատարանին մակագրվել է 2023թ. հուլիսի 3-ին: Դատարանը հուլիսի 11-ին որոշել է քաղաքացիական գործը քննել պարզեցված կարգով, մերժել հայցի ապահովում կիրառելու մասին միջնորդությունը: Օգոստոսի 30-ին Տավուշի մարզի առաջին ատյանի դատարանի՝ Նոյեմբերյանի նստավայրում կայացած դատական նիստում դատավոր Նարինե Անանյանը որոշել է դատական նիստ նշանակել սեպտեմբերի 29-ին, սույն հայցով գործի քննության արդյունքում կայացվող եզրափակիչ դատական ակտը հրապարակել 2023թ. հոկտեմբերի 9-ին: Տավուշի մարզային «Տավուշ-ՏՎ» ՍՊԸ-ն սկսել է գործել 2020թ. ապրիլից, այդ հեռուստաընկերության տնօրենը ճգնաժամային հաղորդակցության եւ տեղեկատվության ոլորտի մասնագետ, լրագրող Նիկոլայ Գրիգորյանի որդին է՝ Արմեն Գրիգորյանը: Նիկոլայ Գրիգորյանը 2019թ. ապրիլի 17-ից մինչև 2021թ. մայիսի 3-ը պաշտոնավարել է որպես Տավուշի մարզպետի խորհրդական, թվային հեռարձակում իրականացնող մարզային հեռուստաընկերության ստեղծումը նրա մտահղացումն էր: «Տավուշ-ՏՎ»-ի եթերում շատ են երեւանյան հեռուստաընկերությունների հաղորդումների կրկնություն-ցուցադրությունները, մարզային հեռուստաընկերությունը գրեթե չի անդրադարձնում Տավուշի մարզի սուր հիմնահարցերին:

ԱՏԵՍԱՎՈՐՈՒՄԻՑ ԳԺԳՈՂ ԵՆ

Սեպտեմբերի 23-ին Իջևանի ավագ դպրոցում ուսուցիչների կամավոր ատեսավորման շրջանակներում ռուսաց եւ անգլերեն լեզուների ուսուցիչների կողմից թեստերի հանձնում է կայացել: Դրան մասնակցած ուսուցիչները հայտնեցին, որ ատեսավորմանը մասնակցելու հայտ ներկայացրած շատ ուսուցիչներ չէին ներկայացել քննությանը, որովհետեւ արդեն տեղեկացել են, որ թեստերում ընդգրկված են շատ խրթին, իրենց առարկայի դպրոցական ծրագրի հետ քիչ առնչություն ունեցող հարցեր, որոնց պատասխանելու համար քիչ ժամանակ է տրվում: Թեստավորմանը մասնակցել են նաեւ Տավուշի դպրոցների ուսուցիչներ, որոնք ունեն միջին մասնագիտական կրթություն, եւ պետք է ատեսավորման ժամանակ դրական արդյունք ունենան, այլապես կազատվեն աշխատանքից: Ատեսավորմանը մասնակցած ուսուցիչները շատ դժգոհ են քննական թեստերի հարցերից: Սեպտեմբերի 23-ի ատեսավորմանը մասնակցած ռուսերենի մի ուսուցչուհի՝ ազգությամբ ռուս, որը երկար տարիներ հաջողությամբ դասավանդում է, քննությունից կտրվել է. նրա վկայությամբ՝ թեստերի հարցերի մեջ եղել են ռուսերեն խոսակցական բառեր: Միջին մասնագիտական կրթությամբ ռուսերենի մեկ այլ ուսուցչուհի, որը 40 տարի դասավանդում է դպրոցում եւ 3 տարի հետո կենսաթոշակի պիտի անցեր, թեստավորումից բացասական արդյունք է ունեցել, ուստի պետք է ազատվի աշխատանքից: Անգլերենի ուսուցիչները պարզել են, որ այդ օրը կայացած թեստավորման հարցերը Քեմբրիջի ուսուցիչների դասագրքից են եղել:

ՈՍՎՆ ՍՍՐԳՅԱՆ Տավուշ

ՔՆՆԱՐԿՈՒՄ

ԶԲՈՍԱՇՐՋՈՒԹՅԱՆ ԳՈՐԾՈՒՆԵՈՒԹՅԱՆ ՆՈՐ ՊԱՂԱՆՋՆԵՐ

«Ժողովուրդ» օրաթերթի սեղեկություններով Ազգային ժողովում քննարկվել են «Զբոսաշրջության մասին» օրենքում առաջարկվող լրացումներն ու փոփոխությունները:

«Առաջարկվող լրացումներն ու փոփոխությունները նպաստելու են քաղաքացիների սպառողական իրավունքների պաշտպանությանը, զբոսաշրջային գործունեության ծառայություններին եւ սուբյեկտներին ներկայացվող պահանջների հստակեցմանը, համայնքներում զբոսաշրջության զարգացմանը, տնտեսական, մարդկային ռեսուրսների համաչափ զարգացմանը»,- ասել է ՀՀ էկոնոմիկայի նախարար Վահան Քերոբյանն ԱԺ տնտեսական հարցերի մշտական հանձնաժողովի՝ սեպտեմբերի 27-ի նիստում «Զբոսաշրջության մասին» եւ կից ներկայացված օրենքներում լրացումներ եւ փոփոխություններ նախատեսող օրինագծերի փաթեթի քննարկման ժամանակ:

Նախարարը կարեւորել է զբոսաշրջային ծառայություններ մատուցող անձանց եւ նրանց կողմից մատուցվող ծառայությունների հստակ տարբերակումը, պահանջների եւ չափանիշների սահմանում, զբոսաշրջային ծառայություն մատուցող անձանց՝ իրավական դաշտում գործունեության ապահովումը, զբոսաշրջության բնագավառում քաղաքականություն մշակող մարմինների ազդեցությունների հստակեցումը, վերահսկողությունների մեխանիզմների ներդրումը, հյուրանոցային ծառայությունների՝ միջազգային չափանիշներին համապատասխան որակի ապահովումը:

Վահան Քերոբյանն անդրադարձել է նաեւ զբոսաշրջային տեղեկատվական կենտրոնների կողմից իրենց գործունեության շրջանակում որակյալ ծառայությունների մատուցմանը, տեղեկատվության տրամադրմանը:

Նա խոսել է նաեւ զբոսաշրջային ավտոբուսների՝ անվտանգային եւ միջազգային տեխնիկական չափանիշներին համապատասխանեցման մասին:

Նախարարը տեղեկացրել է, որ նշված խնդիրների կարգավորման նպատակով ներկայացված օրենքի նախագծով նա-



խատեսվում է հստակեցնել զբոսաշրջության ծառայություններ տրամադրելու պայմանները եւ վարահսկողության մեխանիզմները, սահմանվում են հստակ պահանջներով չափանիշներ զբոսաշրջային ծառայություններ մատուցող անձանց համար, հստակեցվում է այս բնագավառում կարգավորման շրջանակը Կառավարության պետական լիազորված մարմնի լիազորություններն ու գործառնությունները, ներդրվում է զբոսաշրջային ծառայությունների մատուցման էլեկտրոնային եւ զբոսաշրջային ռեսուրսների գրանցամատյան: Անդրադառնալով որակական չափանիշների բարելավմանը՝ Վահան Քերոբյանը նշել է, որ օրենքի նախագծով կներդրվեն միջազգային չափանիշներին համապատասխան որակավորման մեխանիզմներ, կհստակեցվեն զբոսաշրջային տեղե-

կատվական կենտրոններին ներկայացվող պահանջները: Նախագծով նախատեսվում է նաեւ ներդնել զբոսաշրջային ավտոբուսներով ուղեւորափոխադրման որակավորման համակարգ:

Զբոսաշրջության կոմիտեի նախագահի տեղակալ Սուսաննա Հակոբյանը տեղեկացրել է, որ օրենքի նախագծի մշակման ընթացքում ուսումնասիրվել է միջազգային փորձը:

Պատգամավորներն օրենքի նախագծի վերաբերյալ հնչեցրել են հարցեր, արել առաջարկություններ:

ԱԺ տնտեսական հարցերի մշտական հանձնաժողովի նախագահի տեղակալ Բաբկեն Թունյանի առաջարկով՝ օրենսդրական փաթեթը հետաձգվել է երկու ամիս ժամանակով. կկազմակերպվի աշխատանքային քննարկում շահագրգիռ կողմերի հետ:

ՀՈՒՄԱՆԻՏԱՐ

ՉԵԽԻԱՅԻ ՏՐԱՄԱԴՐԱԾ ՕԳՆՈՒԹՅՈՒՆԸ

«Մարդը կարիքի մեջ» չեխական բարեգործական հասարակական կազմակերպության թիմը Հայաստանում հումանիտար օգնություն է սրամադրում Լեռնային Ղարաբաղից բռնի սեղանակած մարդկանց՝ հասկացնելով սնունդ, աղստակներով բարձրագույնության միջոցներ հաշմանդամություն ունեցող անձանց համար եւ անվանազարմուխներ՝ երեխաների համար: «Ժողովուրդ» օրաթերթն այս մասին սեղեկանում է կազմակերպության կայքում սարածված հաղորդագրությունից:

«Իրավիճակը ծայրահեղ ծանր է, սահմանին ավելանում է մարդկանց թիվը: Կան տարեցներ եւ փոքր երեխաներ ունեցող ընտանիքներ: Շատերն իրենց հետ վերցրել են միայն տարրական իրեր

եւ չունեն համապատասխան հագուստ, սնունդ կամ հիգիենայի պարագաներ: Մենք հույսը դնում ենք մեր դոնորներից ստացվող միջոցների վրա՝ արձագանքելու քաղաքացիական բնակչության ընթացիկ կարիքներին», - հայտնել է «Մարդը կարիքի մեջ» ՀՀ-ի հայաստանյան առաքելության տնօրեն Վարդուհի Դադունցը:

Կազմակերպության գործադիր տնօրեն Հիմոն Պանելը հանրությանը խնդրել է արձագանքել SOS Armenia արտակարգ կոչին՝ կատարելով նվիրատվություններ:

Իր հերթին «Մարդը կարիքի մեջ» ՀՀ-ի Հայաստանի համակարգող Միխայիլ Զելբան հայտնել է, որ Հայաստանի Հանրապետություն տեղափոխվածներին աջակցությունը տրամադրվում է տեղի իշխանությունների միջոցով: Այդ օգնու-

թյունը ներառում է նաեւ սնունդ, շարժասայլակներ:

Ըստ կազմակերպության հաղորդագրության՝ նախնական մարդասիրական օգնության տրամադրումը հնարավոր է եղել՝ շնորհիվ կազմակերպության «Ընկերների ակումբ» մարդասիրական հիմնադրամի միջոցներից հատկացված 40 հազար եվրոյի:

«Մարդը կարիքի մեջ» ՀՀ-ն Հայաստանում մշտական առաքելություն ունի 2003 թ.-ից, իսկ առաջին մարդասիրական օգնությունը Հայաստանին տրամադրվել է 1988 թ.-ի աղետալի երկրաշարժից հետո: Կազմակերպությունը հիմնադրվել է Պրահայի հենց այն մի խումբ ուսանողների կողմից, որոնք Սպիտակի երկրաշարժից տուժածների համար 50 տոննա օգնություն են հավաքել եւ ուղարկել Հայաստան:

● Անցած 1 օրվա ընթացքում ՀՀ-ում արձանագրվել է ճանապարհատրանսպորտային 15 պատահար. 1 մարդ զոհել է, 17-ը՝ ստացել տարբեր աստիճանի մարմնական վնասվածքներ:

ՍՈՑԻԱԼԱԿԱՆ

ՆԱԽԱԳԻԾ

ՀԱՐԿԱՅԻՆ ՎԱՐՉԱՐԱՐՈՒԹՅԱՆ ՌԻՍԿԵՐԸ

«Ժողովուրդ» օրաթերթի տեղեկություններով՝ ներկայացնելով «ՀՀ հարկային օրենսգրքում փոփոխություններ եւ լրացումներ կատարելու մասին» օրենքի նախագիծը՝ Պետական եկամուտների կոմիտեի նախագահի տեղակալ Կարեն Թամազյանը նշել է, որ նախագծի ընդունման արդյունքում ակնկալվում է նվազեցնել շրջանառության հարկ վճարողների իրացման շրջանառությունների թերիայտարարազման հնարավոր ռիսկերը՝ իրականացնելով արդյունավետ հարկային վարչարարություն: Հարցն առաջին ընթացքում բնակարկվել է ՀՀ ԱԺ տնտեսական հարցերի մշտական հանձնաժողովի՝ սեպտեմբերի 27-ի նիստում:

Նախագծով առաջարկվում է նաեւ կարգավորել ապրանքների ձեռք բերման փաստաթղթավորման պահանջների նկատմամբ հսկողություն իրականացնելու հետ կապված հարցերը: Դրամարկային գործառնությունների հաշվառման նպատակով դրամարկային գրքերի վարումը կատարվելու է էլեկտրոնային եղանակով:

«Նախատեսվում է հստակեցնել ընտրված ապրանքների գծով չափագրման ուսումնասիրության շրջանակում գույքագրում իրականացնելու դրույթը: Ընդ որում՝ նախագծի կարգավորումներով հստակ սահմանվում է, որ հարկային մարմինն իրավունք ունի նման գործողություն իրականացնել այն հարկ վճարողների մոտ, որոնք ձեռքբերման կամ իրացման շեմը տարվա ընթացքում գերազանցում է 24 մլն դրամը»,- մանրամասնել է հիմնական գեկուցողը:

Օրենսդրությամբ հստակեցվում է չփաստաթղթավորված ապրանքներ հայտնաբերելու պատասխանատվությունը: Մասնավորապես, սահմանվում է, որ շրջանառվող հարկ վճարողների մոտ ապրանքների ձեռք բերման գործարքների փաստաթղթավորման պահանջի փաստը չհայտնաբերվելու դեպքում համալիր հարկային ստուգմամբ նրանցից կգանձվի ապրանքների ձեռք բերման գնի 20 տոկոսի չափով տուգանք:

Ըստ Կարեն Թամազյանի՝ պատասխանատվություն կսահմանվի այն դեպքերի համար, երբ օպերատիվ հետախուզական միջոցառումների ընթացքում կհայտնաբերվեն այնպիսի դեպքեր, երբ գույքը հանձնվում է վարձակալության, կամ պետական գրանցում չի ստացել այդ վաճակալության գործարքը, կամ նախապես հարկային մարմին հայտարարություն չի ներկայացվել ֆիզիկական անձի կողմից վարձակալության գործարքի առկայության վերաբերյալ:

Սահմանվում է նաեւ, որ ապահովագրական գործակալները եւ ապահովագրական բրոքերները հատուկ հարկման, մասնավորապես՝ շրջանառության համակարգում չեն գործելու:

ՀՀ ԱԺ տնտեսական հարցերի մշտական հանձնաժողովի նախագահի տեղակալ Բաբկեն Թունյանի՝ «ԴՐՆ է պարտադիր փաստաթղթավորման պահանջում փոփոխություն կատարելու նպատակը» հարցին ի պատասխան՝ ՊԵԿ նախագահի տեղակալն ասել է. «Փոփոխություն կատարելու հիմքը հավասարության ապահովումն է»: Նախագիծը ստացել է դրական եզրակացություն:

ՄՏԱՀՈԳՈՒԹՅՈՒՆ

ՀԱՄԱՐՆԱՅԿԱԿԱՆ ՄԻՈՒԹՅՈՒՆԸ՝ ԻՐԱՎԻՃԱԿԻ ՄԱՍԻՆ

«Ժողովուրդ» օրաթերթի փոխանցմամբ՝ «Գարդման-Շիրվան-Նախիջեան» համահայկական միությունն իր խոր մտահոգությունն է հայցնում Լեռնային Ղարաբաղի հայ բնակչության բռնի տեղահանման կաղակցությամբ:

«Ադրբեջանը սեպտեմբերի 19-20-ին Լեռնային Ղարաբաղի ողջ տարածքում սանձազերծեց հերթական լայնամասշտաբ անհամաչափ պատերազմ, որի ընթացքում թիրախավորվել են քաղաքացիական ենթակառուցվածքներ, բնակելի տներ, շտապ օգնության մեքենաներ, գոհվել են քաղաքացիական անձինք, այդ թվում՝ երեխաներ: Նման պայմաններում Լեռնային Ղարաբաղի բնիկ էթնիկ հայ բնակչությունը հարկադրված ֆիզիկական գոյության պահպանման նպատակով լքում է իր հայրենիքը:

Լեռնային Ղարաբաղի հայությունը, 10 ամիս գտնվելով լիակատար շրջափակման մեջ, մատնվելով սովի եւ աննկարագրելի տանջանքների, ամիսներ շարունակ օգնության կոչ էր ուղղում քաղաքակիրթ աշխարհին, որի համաչափ արձագանքի բացակայությունը հանգեցրեց իրական էթնիկ գտման, մարդու բնական իրավունքների բազմակի եւ անթույլատրելի խախտման դեպքերի, որն, անշուշտ, այսօր կարիք ունի խստագույն դատապարտման:

Միությունը պնդում է, որ 21-րդ դարում, երբ մարդու ազատ, հավասար եւ արժանապատիվ կյանքը համարվում է բարձրագույն արժեք, նման վայրագությունների արմատները պետք է փնտրել նախկինում կատարված հանցանքների անպատժելիության մեջ:

1918թ. սեպտեմբերի 15-17-ը օսմանադրբեջանական զորքերի վայրագությունների գոհ դարձան Բաքվի շուրջ 30 հազար հայեր, ավելի քան 30 հազարը հարկադրված հեռացել է քաղաքից: 4 հազարից ավելի հայեր գերվել են, որոնցից 445՝ մահացել ծծծի եւ տաժանակիր աշխատանքի հետեւանքով, անհետ կորածների թիվը 3572 է, բանտարկվել են 553 հայեր: Հայ բնակչության կրած միայն կյու-



թական վնասների գումարը անցնում էր 1 միլիարդ ռուբլուց (1919թ.-ի դրությամբ), ինչը ժամանակի համար հսկայական գումար էր: 1918-1920թթ. կոտորածն ու թալանը, ռասայական ու կրոնական խտրական քաղաքականությունը շարունակվել են գրեթե Ադրբեջանի ողջ տարածքում: Նման գործելաճ ժառանգեց նաեւ խորհրդային Ադրբեջանը: 1988-1991թթ. Ադրբեջանական ԽՍՀ-ում, ապա 1992թ. Ադրբեջանի Հանրապետությունում պետության կողմից խրախուսվել են ցեղասպանական գործողություններ Սուվալիթում, Բաքվում, Կիրովաբադում, իսկ Զյուլիսային Ղարաբաղում, Նախիջեանում եւ Ադրբեջանի մնացյալ տարածքում հայերի՝ ջարդերով ուղեկցվող տեղահանություններ: Այս գործողությունների հետեւանքով հարյուր հազարավոր հայեր հարկադրաբար լքեցին իրենց բնակավայրերը՝ ապաստան գտնելով Հայաստանում կամ արտերկրում: Այս տարիների ընթացքում Ադրբեջանը չի կարողացել եւ անգամ չի փորձել քա-

ղաքական կամ ցուցաբերել արդարացիորեն առերեսվելու իր հարյուր հազարավոր քաղաքացիների բռնի արտաքսման փաստին: Այժմ Լեռնային Ղարաբաղի հայությունն է ենթարկվում միեւնույն դաժանություններին, ինչի միջով որ պատմական Գարդմանի, Շիրվանի եւ Նախիջեանի հայությունը ստիպված է եղել անցնել 35 տարի առաջ: Համանման խնդիրներ փախստականների հետ կապված եւս կառաջանան, եթե միջազգային հեղինակավոր կազմակերպությունները, իրավապաշտպան կառույցները եւ ազդեցիկ եւ պատասխանատու երկրները չդիմեն գործնական ճնշման Ադրբեջանի նկատմամբ, չկանխեն Լեռնային Ղարաբաղի հայաթափումը, ինչպես որ եղավ Նախիջեանի պարագայում: Ադրբեջանի այս գործողությունները հանդիսանում են միջազգային մի շարք կարեւորագույն իրավապաշտպան հոշակագրերի եւ կոնվենցիաների կոպտագույն խախտումներ, որոնք արժանի են մանրամասն քննության»:

ՏԱՐԱԾԱՇՆՈՋԱՆ

ԶԱՄԱՐՈՎԱՅԻ ԱԿՆԿԱԼԻՔՆԵՐԸ

Ռուսաստանը միշտ ուշադիր է եղել Հայաստանի հետ դաշնակցային հարաբերությունների նկատմամբ: Այս մասին ամենաշաբաթյա ճեպագրույցի ժամանակ նշել է ՌԴ ԱԳՆ ներկայացուցիչ Մարիա Զախարովան՝ մեկնաբանելով ԱԳՆ վերջին արձագանքը վարչապետ Նիկոլ Փաշինյանի ուղերձին:

Դիվանագետին հարցրել են, թե արդյոք Երեւանը լսել է սեպտեմբերի 25-ի հայտարարության մեջ շարադրված Մոսկվայի ուղերձները: Զախարովան նշել է, որ հայկական կողմի հետ շփումները շարունակվում են տարբեր մակարդակներով: «Մենք ակնկալում ենք, որ մեր ազդանշանները կլսեն եւ պատշաճ կերպով կընկալվեն: Շատ առումներով սա մեր պատասխանն էր»,-ասաց նա՝ մեկնաբանելով ԱԳՆ հայտարարությունը:

Ռուսական կողմը կարծում է, որ փորձ է արվում ազատվել ներքին եւ արտաքին քաղաքականության մեջ ձախողումների

պատասխանատվությունից՝ մեղքը բարդելով Մոսկվայի վրա:

ՊԱՏՐԱՍՏ Է ԸՆԴՈՒՆԵԼ

«ՌԻԱ Նովոստի» կայքի տեղեկություններով՝ Թուրքիան շահագրգռված է տարածաշրջանային «3+3» հարթակի ակտիվացմամբ եւ բազմիցս հայտնել է իր պատրաստակամությունն այս ձեռաչափով գազաթանաժողով անցկացնելու համար:

«3+3» հարթակը ենթադրում է համագործակցություն Ռուսաստանի, Թուրքիայի, Իրանի, Ադրբեջանի, Վրաստանի եւ Հայաստանի միջեւ: 2022 թվականի դեկտեմբերին Մոսկվայում տեղի ունեցավ «3+3» խորհրդատվական տարածաշրջանային հարթակի առաջին հանդիպումը՝ Ռուսաստանի Դաշնության, Ադրբեջանի, Հայաստանի, Թուրքիայի փոխարտգործնախարարների եւ Իրանի արտգործնախարարության գլխավոր տնօրենի համա-նախագահությամբ:

Ավելի վաղ Վրաստանի ԱԳՆ-ն հաստատել էր, որ Թբիլիսին իրաժարվում է մաս-

նակցել տարածաշրջանային խորհրդատվական մեխանիզմին: Երեքշաբթի օրը Ռուսաստանի և Իրանի միջև կարգավորվել է Իրանի նախագահ Էրանիհամ Ռաիսիին հեռախոսազրույցների ընթացքում հետաքրքրություն են հայտնել 3+3 խորհրդատվական տարածաշրջանային հարթակի աշխատանքի ակտիվացման հարցում:

«Լինելով այս նախագծի նախաձեռնողներից մեկը՝ մենք, իհարկե, հանդես ենք գալիս տարածաշրջանային համագործակցության օգտին: Համագործակցության այս ձեռաչափի հաջող օրինակը տեսնում ենք թյուրքալեզու երկրների օրինակով, երբ տարածաշրջանային երկրները, որոնք ունեն ընդհանուր արմատներ, միմյանց կապող տարրեր, համատեղ լուծում են խնդիրները, պլաններ են կազմում, մեծացնում են ապրանքաշրջանառությունը եւ այլն: Ուստի մենք միայն այս ձեռաչափի ակտիվացման կողմնակից ենք, բազմիցս հայտարարել ենք մեր պատրաստակամության մասին՝ ընդունելու նման հանդիպում ամենաբարձր մակարդակով»,- ընդգծել է գործակալության գրուցակիցը:

ՕՏԵԼՅԱ ՀՈՎԿՆԱՆՆԻՍՅԱՆ

«Ժողովուրդ» օրաթերթում եւ Armlur.am կայքում գովազդ, հայտարարություն, հաշվետվություն, ծանուցում տեղադրելու համար գանգահարել 094-455-456 հեռախոսահամարով:

ԿԱՐԾԻՔ

ՏԱՐԵԼԻՑ

ՀՐԱՆՈՒԻՆ ՄԻՐԱՂԱՐՎԱԾ ԳԱԳՔ

2001 թվականին էր ծնվել Գագը՝ Գագիկ Աբրահամյանը:

Մայրիկը՝ տիկին Ռիտան, պատմում է, որ առողջական խնդիրների պատճառով մի փոքր ուշ էր ծնվել, բայց ոչ ուշացած, ու ամբողջ կյանքում էլ շտապող բնավորություն է ունեցել:

«Ամեն ինչ նախընտրում էր արագ անել, կարծես վախենում էր ուշանալ: Հիշում եմ բուժքույրերը կես կատակ, կես լուրջ «արթունիկ» էին ասում Գագիս, քանի որ երբ մտնում էին սենյակ, տեսնում էին, որ Գագը, աչքերը բաց, այս ու այն կողմ է նայում, կարծես հսկում է բոլորին»:

Մոր խոսքով՝ հետագայում պատերազմի դաշտում հենց այդպես էլ եղավ. «Հաշվարկի հրամանատար էր, հրանոթի վեց ամիս սերժանտական կուրսեր է անցկացրել Լուսակերտում, ապա տեղափոխվել Իջևան, այնտեղ շատ քիչ ժամանակ ծառայելուց հետո դիմում է գրում, որ իրեն տեղափոխեն Արցախ:

Նա կարող էր Իջևանում որդեկ խնդիր չունենալ, բայց Գագն այդ տղան չէր, որ որդեկ մեկի սովերի, անվան տակ իրեն լավ զգար: Ամեն տեղ ինքն իր անունն էր ներկայացնում»:

Տիկին Ռիտան պատմում է, որ ինչ-ինչ պատճառներով տեղափոխությունն ուշանում է, եւ սեպտեմբերին սկսվում է պատերազմ:

«28 օր Գագը եղել է Արցախում, որի մասին ես միայն երրորդ օրն եմ իմացել: Մատաղիսում էր: Հիշում էր, որ հարմար պահ էր բռնացրել, որ կրակոց չլինի, զանգել էր, հարցնում էր, թե ինչպես եմ, ես ասացի, որ գիտեմ, թե որտեղ է, ասացի. «Գաս, գլուխդ ջարդելու եմ»: Միշտ մեկ րոպեից ավելի չէր խոսում, կարեւորը շեշտում էր, որ հաց կերել է, որովհետեւ գիտեր, որ ինձ համար դա չափազանց կարեւոր է: Ամեն անգամ զանգելիս ծիծաղում էր ու իր գրնգուն ծիծաղը մինչեւ հիմա ականջներումս է»:



Տիկին Ռիտան հիշում է, որ վերջին անգամ 19:01 է խոսել որդու հետ: Ասել է, որ լավ է, ու էլ զանգ չի եղել: Մայրը զգացել է, որ որդու հետ մի բան այն չէ, քանի որ ինչ էլ լիներ, Գագիկը կզանգեր մորը, իսկ այդ օրերի լռությունը ամեն բան ասում էր:

«29-ի առավոտյան արդեն իմացա, որ 5 գնկվորներով սպային օգնելու համար խրամատից դուրս են եկել, եւ այդ պահին հարված է հասցվել արդեն նաեւ իրենց»:

Գագիկը դարպասապահ էր, խաղում էր «Փյունիկ» ֆուտբոլային ակումբում: Հասցնում էր Լույսիկակ հանգստյան օրերին աշխատել:

Շատ երգանքներ ուներ, խելացի էր, կարողացած:

«Եռաբլուր»-ում Գագի կողքին իր հրանոթն է, քանի որ հրանոթի հաշվարկի հրամանատար է եղել, մայրը տղայի սիրելի հրանոթը իրեն մոտ է բերել, քանի որ մեծ սիրով ու նվիրումով էր վերաբերվում իր հրանոթին:

ԼՈՒՐԵՐ

ՊԱՏՐԱՍ Է ՕԳՆԵԼ

«Գագայրում Արմենիա» ընկերությունը հայտարարություն է տարածել, որում ասվում է. ««Գագայրում Արմենիա» ընկերությունում ձեւավորված օպերատիվ շտաբը այսօր քննարկեց մի շարք աջակցության ծրագրեր Լեռնային Ղարաբաղից բռնի տեղահանված մեր հայրենակիցներին օժանդակելու նպատակով:

Մասնավորապես, ընկերությունը պատրաստ է ՀՀ մարզերում կեցավայրի վարձակալության եւ կոմունալ ծախսերի փոխհատուցում տրամադրել տեղահանված 300 ընտանիքի՝ համաձայն Աշխատանքի եւ սոցիալական հարցերի նախարարության կողմից հաշվառված տվյալների:

Նախատեսվում է նաեւ հնարավորինս կարճ ժամկետներում կազմակերպել ընկերության հաշվեկշռում գտնվող «Կարին» պանսիոնատի շահագործումն ու ենթակառուցվածքների վերականգնումը՝ տեղահանված ընտանիքներին լրացուցիչ կացարաններով եւ կենցաղային անհրաժեշտ պայմաններով ապահովելու համար:

Ջուզախեռ գույքագրվում են կարճաժամկետ աջակցության համար նախատեսվող այլ ռեսուրսներ՝ համակարգող մարմինների կողմից ներկայացվող կարիքներին համապատասխան»:

ԶԻՋՈՒՄ Է ԿԵՍ ՄԻԱՎՈՐՈՎ

Հայաստանը ներկայացնող շախմատիստները շարունակում են հաջող ելույթներն աշխարհի Մ20 տարեկանների առաջնությունում:

«Ժողովուրդ» օրաթերթի հաղորդմամբ՝ Մեքսիկայի մայրաքաղաք Մեխիկոյում շարունակվում է շախմատի աշխարհի Մ20 տարեկանների առաջնությունը: Կանանց պայքարում Մարիամ Մկրտչյանը 5 միավորով 2023 թվականի շախմատի աշխարհի մինչեւ 20 տարեկան աղջիկների առաջնության առաջատարից կես միավոր է հետ:

Տղամարդկանց պայքարում Մամիկոն Ղարիբյանը դեռեւս վաստակել է 4,5 միավոր եւ մրցաշարային աղյուսակում 18-րդն է:

Աշխարհի 20 տարեկանների առաջնության, ընդհանուր առմամբ, մասնակցում են 231 շախմատիստներ: Այն անցկացվում է շվեյցարական մրցակարգով եւ բաղկացած է 11 տուրից: Մրցաշարը կեզարափակվի հոկտեմբերի 2-ին:

ԱՌԱՆՉՆԱՏՈՒՆԸ ԹԱՎԱՆԵԼ ԵՆ

Սեւիլիայում թալանել են իսպանացի պաշտպան Սերխիո Ռամոսի առանձնատուրը. հաղորդում է իսպանական ABC-ն: Հանցագործությունը տեղի է ունեցել սեպտեմբերի 20-ին Չեմպիոնների լիգայի խմբային մրցաշարի առաջին տուրի «Սեվիլիա» - «Լանս» (1:1) հանդիպման ժամանակ:

Տանը եղել են «Սեվիլիայի» ֆուտբոլիստի երեխաները դայակի հետ: Նրանք չեն տուժել: Հանցագործները գողացել են թանկարժեք ոսկերչական զարդեր: Սերխիո Ռամոսն այս ամիս է ազատ գործակալի կարգավիճակում վերադարձել «Սեվիլիա»՝ կնքելով մեկ տարվա պայմանագիր:

ԱՆՈՐԱԴԱՐՁ


ՊԱՏԵՐԱԶՄԻ ՀԵՏԵՎԱՆՔՆԵՐԸ

Արցախյան պատերազմի հետեւանքով ավերվել է աշխարհի հնագույն քրիստոնեական համայնքներից մեկը: Աշխարհի հնագույն եկեղեցիներից շատերն այժմ գտնվում են պղծման կամ քանդման սպառնալիքի տակ: Այս մասին ասվում է Christian solidarity International (CSI) կազմակերպության հաղորդագրության մեջ:

«CSI-ի հավատարմությունը հայ ժողովրդին՝ առաջին քրիստոնյա ազգին, շարունակվում է: Մենք շտապ օգնություն ուղարկեցինք Հայաստանի հարավ Լեռնային Ղարաբաղից 120,000 փախստականների կարիքները հոգալու համար: Նրանց ճանապարհը դեպի վերաբնակեցում կլինի երկար ու դժվար: Այս կարիքները բավարարելու համար մենք աշխատում ենք Հայաստանում գործընկերների հետ:

Մենք բանակցում ենք նաեւ Հայաստանում Քերոլայն Քոքսի վերականգնողական կենտրոնի վերականգնման շուրջ: Ավելի քան 20 տարի կենտրոնը ժամանակակից օգնություն է ցուցաբերում 1988-1994, 2016 եւ 2020 թվականներին Ղարաբաղում տեղի ունեցած պատերազմների հետեւանքով հաշմանդամություն ունեցողներին եւ վիրավորներին: Տա Աստված, որ այս գործը շարունակվի:

Հայ ժողովրդին սպառնացող վտանգը չի անցել. Հայոց ցեղասպանությունը փուլ



ամ փուլ տեղի է ունեցել 1894 թվականից:

Իսլամական գերակայության եւ պանթյուրքիստական ազգայնականության գաղափարախոսությունները կարծես պահանջում են ոչնչացնել այս ազատ քրիստոնյա ժողովրդին: Թուրքիան եւ Ադրբեջանն արդեն սպառնալից քայլեր են անում Հայաստանի հարավի նկատմամբ, իսկ ադրբեջանական պետական քարոզչությունը Հայաստանի Հանրապետության մեծ մասը կամ ամբողջը հռչակել է «Արեւմտյան Ադրբեջան» եւ հայտարարել. «Մենք պետք է այնտեղ վերադառնանք»:

ԷԼ ԱՍԵԼԻՔ ԶԿԱ...

Հաղորդավարուհի, դերասանուհի Նազենի Հովհաննիսյանն «Ինստագրամ» սոցիալական ցանցի իր էջում նոր գրառում է կատարել:

«Ճանկողը դառնալու փոխարեն՝ նախընտրեցիք հա գոհը լինել... էլ ասելիք չկա...»

Ջոհը հա զբաղված է մի կերպ մագապուրծ լինելով (ժամանակավոր իհարկե): ճանկողը միշտ ունի ընտրություն, բայց եւ միշտ գործում է արագ ու նպատակային:

....Լեռները թշնամուն տվեցինք ու մնացինք ջրափոսի մեջ սպասող, - գրել է Նազենին:

● Սեպտեմբերի 29-ին «Գոյ» թատրոնում տեղի կունենա «Արալեզ» ներկայացումը: Տոմսերի արժեքը՝ 2500-3000 դրամ: Սկիզբը՝ ժամը 19:00-ին:



ԿՈՉՈՒՄՆԵՐ

ՀԱՐՑ. Հանրապետության նախագահը ո՞ր դեղին-բուրդ է ի՞նչ կարգով է դարձնում շահագործողներին և մեղադրում, զննում դատավոր կոչումներ:

Հարություն Հովհաննիսյան (44 տարեկան)



ՊԱՏԱՍԽԱՆ. «Հայաստանի Հանրապետության պետական պարգևների և պատվավոր կոչումների մասին» ՀՀ օրենքի 5.3-րդ հոդվածի համաձայն՝ Հայաստանի Հանրապետության պետական պարգևներ և պատվավոր կոչումներ Հանրապետության նախագահը շնորհում է՝ վարչապետի, Ազգային ժողովի, Սահմանադրական դատարանի և Բարձրագույն դատական խորհրդի նախագահների առաջարկությունների հիման վրա, եռօրյա ժամկետում: Հայաստանի Հանրապետության պետական պարգևով պարգևատրելու և պատվավոր կոչումներ շնորհելու վերաբերյալ միջնորդությունը ստանալուց հետո՝ եռօրյա ժամկետում, Հանրապետության նախագահը կարող է պետական պարգևով պարգևատրելու կամ պատվավոր կոչում շնորհելու վերաբերյալ հանրապետության նախագահի հրամանագրի նախագիծն իր առարկություններով վերադարձնել միջնորդությամբ դիմող մարմին: Այն դեպքում, երբ միջնորդությամբ դիմող մարմինը չի ընդունում հանրապետության նախագահի առարկությունը, ապա հանրապետության նախագահը եռօրյա ժամկետում ստորագրում է պետական պարգևով պարգևատրելու կամ պատվավոր կոչում շնորհելու վերաբերյալ հանրապետության նախագահի հրամանագիրը կամ եռօրյա ժամկետում դիմում է Սահմանադրական դատարան:

ՀՀ ՆԱԽԱԳԱՀԻ ԳՐԱՍԵՆՅԱԿ

«ԺՈՂՎՈՒՐԳ». «Հանրային ծառայության մասին» ՀՀ օրենքի 52-րդ համաձայն՝ բարձրագույն դասային աստիճաններ հանրապետության նախագահը շնորհում է՝ վարչապետի, Ազգային ժողովի, Սահմանադրական դատարանի և Բարձրագույն դատական խորհրդի նախագահների առաջարկությունների հիման վրա, եռօրյա ժամկետում:

Էջը՝ ՄԱՐԻԱՍ ՂԱԶԱՐՅԱՆԻ

ԱՌԱՔԱՆԻ

ՀԱՐՑ. Ի՞նչ դասախանասություն է կրում Հայ-Փոսթը ԱՓԾ առաջնու հետ կապված խնդիրների առաջացման դեղինում:

Սիրուն Շմավիսյան (32 տարեկան)



ՊԱՏԱՍԽԱՆ. ՀայՓոստն իր հաճախորդների առջև պատասխանատվություն է կրում.

- ԱՓԾ առաքանու կորստի դեպքում,
- ԱՓԾ առաքանու ներդրանքի մասնակի կորստի դեպքում,
- ԱՓԾ առաքանու ներդրանքի մասնակի վնասի դեպքում,
- ԱՓԾ առաքանու չհիմնավորված ետ վերադարձի դեպքում:

Փոստային կապի օպերատորները պատասխանատվություն չեն կրում մաքսային հայտարարագրերի համար՝ անկախ այն բանից, թե դրանք ինչպես են կազմվել ուղարկողի կողմից, ինչպես նաև մաքսային մարմինների կողմից մաքսային գնման ենթակա առաքանու ստուգման ժամանակ ընդունված որոշումների համար:

ՀայՓոստ

«ԺՈՂՎՈՒՐԳ». «ՀայՓոստ» ՓԲԸ-ն պատասխանատվություն չի կրում չստացված եկամուտների և կողմնակի վնասների համար՝ անկախ դրանց ծագումից:

Ուղարկողները պատասխանատվություն են կրում ներդրանքի արգելված պարունակության և ոչ համապատասխան փաթեթավորման համար:

ԼՈՒՐ ԿԱԴՐ

Լուսանկարը՝ համացանցից



Երեկ՝ սեպտեմբերի 27-ին, Հայաստանում ԱՄՆ դեսպան Քրիստինա Բլինն իր հարգանքի տուրքն է մատուցել Հայաստանի և Ադրբեջանի միջև տասնամյակներ տևող հակամարտության ընթացքում իրենց կյանքը զոհածներին:

«Մենք նաև մեր զորակցությունն ենք հայտնում անցյալ շաբաթվա ընթացքում Լեռնային Ղարաբաղում տեղի ունեցած ռազմական գործողություններում զոհվածների ընտանիքներին ու վիրավորներին», - նշվում է գրառման մեջ:

ԲԱԺԱՆՈՐԴԱԳՐՈՒԹՅՈՒՆ

Մեր թերթը
Բաժանորդագրվելու
համար կարող եք դիմել



«Հայմամուլ» ՓԲԸ
հեռ. 45-82-00, 45-19-11

«Հայփոստ» ՊՓԲԸ
հեռ. 51-45-46, 51-45-47

«Բլից-Մեդիա» ՍՊԸ
հեռ. 52-5301

Առաքումը՝ ԱՆՎՃԱՐ:

Ձեզ հետաքրքրող ցանկացած հարցով կարող եք դիմել «Ժողովուրդ» օրաթերթի խմբագրություն (010 54-64-23 հեռախոսահամարով), և մենք անպայման կանդրադարձնանք ձեր բարձրացրած բոլոր խնդիրներին:

ԱՌԱՋԱՐԿ
հայկական տպագիր մամուլից


«Ժողովուրդ» օրաթերթին բաժանորդագրվելու համար կարող եք լրացնել հետևյալ բլանկը և ուղարկել նշված հասցեով: Ամեն օր թերթը կհասնի ձեր նախընտրելի վայր:

Բաժանորդագրության բլանկ

Անուն՝ _____
Ազգանուն՝ _____
Առաքման հասցե՝ _____
Բջջային ես/կամ քաղաքային հեռախոս՝ _____

Հեռ.՝ (060) 490049
0023, Արշակունյաց 2, 5-րդ հարկ, 518ս.

ԵՂԱՆԱԿԻ ՏԵՍՈՒԹՅՈՒՆ



| | | | |
|-----------------------|----------------------|-----------------------|----------------------|
| Շիրակ | + 2 + 5 +19 + 23 | Արարատ | +11 + 13 +25 + 27 |
| Կոտայքի լեռներ | + 3 + 5 +19 + 23 | Արմավիր | + 9 + 12 +25 + 27 |
| Կոտայքի նախալեռներ | + 9 + 12 +22 + 24 | Վայոց ձորի լեռներ | + 4 + 7 +16 + 19 |
| Գեղարքունիք | + 3 + 7 +19 + 23 | Վայոց ձորի նախալեռներ | +10 + 13 +25 + 27 |
| Լոռի | + 3 + 8 +16 + 19 | Սյունիքի հովիտներ | +13 + 14 +24 + 27 |
| Տավուշ | + 1 + 5 +18 + 21 | Սյունիքի նախալեռներ | + 5 + 8 +18 + 20 |
| Արագածոտնի լեռներ | + 1 + 4 +18 + 22 | ԼՂՀ | +10 + 13 +22 + 25 |
| Արագածոտնի նախալեռներ | + 8 + 11 +21 + 25 | Երեւան | +12 + 14 +21 + 23 |

Լրատվական գործունեություն իրականացնող՝ «Ժողովուրդ թերթի խմբագրություն» ՍՊԸ
Հասցեն՝ ք. Երեւան, Աբովյան 22^ա/3, հեռ.՝ 010 54-64-23
Պետական գրանցման վկայականի համարը՝ 03Ա089086
տրված է 24.11.2010
Ստորագրված է տպագրության 27.9.2023

Գլխավոր խմբագիր՝
ՔՆԱՐ ՄԱՆՈՒԿՅԱՆ

Տպագրված է «ԳԻՆՂ» տպարան ՍՊԸ հրատարակչությունում
խմբագրություն հանձնված նյութերը չեն գրայնապահվում և չեն վերադարձվում, Գ նշանով նյութերը գովազդային հրապարակումներ են, որոնց համար խմբագրությունը պատասխանատվություն չի կրում:

«Ժողովուրդ» օրաթերթում հրապարակված նյութերը արտատպելիս կամ ընթացիկ մեջբերումներ անելիս պետք է պարտադիր գրառել հետևյալ նախադասությունը. «Շարունակությունը կարող էք կարդալ «Ժողովուրդ» օրաթերթի այսօրվա համարում»: